

anna er tekur gildi til bráðabirgða í dag og endanlega, þegar ríkisstjórnirnar báðar hafa tilkynnt, að stjórnarskrárákvæðum þeirra hafi verið fullnægt.

Ég nota þetta tækifæri til þess að fullvissa yður, herra sendiherra, um sérstaka virðingu mína.

Einar Ágústsson.

Hr. sendiherra Olav Lydvo,
Norska sendiráðið,
Reykjavík.

Nr. 7.

12. mars 1976.

AUGLÝSING

um gildistöku Norðurlandasamnings um réttarstöðu starfsfólks við
samnorrænar stofnanir.

Samkvæmt ákvörðun Ráðherranefndar Norðurlanda 27. f. m. gekk í gildi hinn 1. mars 1976 samningur milli Íslands, Danmerkur, Finnlands, Noregs og Svíþjóðar um réttarstöðu starfsfólks við samnorrænar stofnanir, frá 31. janúar 1974.

Samningurinn var birtur sem fylgiskjal með auglýsingu í Stjórnartíðindum C-deild nr. 13/1975.

Þetta er hér með gert almenningi kunnugt.

Utanríkisráðuneytið, Reykjavík, 12. mars 1976.

Einar Ágústsson.

Henrik Sv. Björnsson.

Nr. 8.

24. mars 1976.

AUGLÝSING

um niðurfellingu samnings milli Íslands og Noregs um framsal sakamanna.

Með orðsendingum norska sendiráðsins í Reykjavík dags. 15. desember 1975 og utanríkisráðuneytisins dags. 22. mars 1976 var gengið frá niðurfellingu samnings milli Íslands og Noregs um framsal sakamanna, sem gerður var í Kaupmannahöfn hinn 1. desember 1909 (Sjá Samninga Íslands við erlend ríki, II. bindi, bls. 1198—1202), en hann hefur eigi þýðingu lengur vegna hinna samræmdu laga Norðurlandanna um framsal sakamanna þeirra í milli.

Þetta er hér með gert almenningi kunnugt.

Utanríkisráðuneytið, Reykjavík, 24. mars 1976.

Einar Ágústsson.

Henrik Sv. Björnsson.